



ILIDŽA

INFORMATIVNI BILTEN OPĆINE ILIDŽA
Ilidža • Broj 133





Budžet Općine Ilidža 22 miliona KM

Općinsko vijeće Ilidža na 23. redovnoj sjednici, održanoj 30. decembra 2014. godine usvojilo je Budžet Općine Ilidža za 2015. godinu u iznosu od 22.000.000 KM. Najviše sredstava planirano je za kapitalne projekte 5.650.000 KM, za udruženja građana 640.000 KM, za kulturu 300.000 KM, za sport 300.000 KM, za obrazovanje, nauku i mlade 300.000 KM, za zdravstvo 100.000 KM, za socijalne pomoći pojedincima 350.000 KM i za vjerske objekte 300.000 KM. Vijeće je donijelo i Odluku o izvršenju budžeta Općine Ilidža za 2015. godinu kojom se uređuje struktura prihoda i primitaka, rashoda i izdataka budžeta, njegovo izvršavanje, prioriteta plaćanja i finansijsko izvještavanje.

Stipendije za 173 učenika i 99 studenata

Općinsko vijeće Ilidža je na sjednici donijelo Odluku o stipendiranju 272 talentovana učenika i studenata u školskoj/akademskoj 2014/2015. godini u ukupnom iznosu od 249.480 KM. Odlukom će se stipendirati 173 učenika srednjih škola i 99 studenata.

Mjesečni iznos stipendije za učenike i studente prve godine je 78 KM, a za studente od druge do šeste godine kreće se u rasponu od 96 do 120 KM zavisno od postignutog rezultata u predhodnoj godini. Stipendije će se isplaćivati deset mjeseci.



Stipendije za djecu slabijeg imovnog stanja i djecu bez oba roditelja i djecu bez roditeljskog staranja

Općinsko vijeće je donijelo Odluku o stipendiranju učenika i studenata slabijeg imovnog stanja u školskoj/akademskoj 2014/2015. godini u ukupnom iznosu od 108.000 KM. Odlukom će se stipendirati ukupno 128 učenika i studenata, od toga 80 učenika i 48 studenata. Mjesečni iznos stipendije za učenike je 75 KM, a za studente 100 KM. Stipendije će dobijati 10 mjeseci.

Vijeće je na sjednici donijelo i Odluku o stipendiranju djece bez oba roditelja i djece bez roditeljskog staranja u školskoj/akademskoj 2014/2015. godini u ukupnom iznosu od 44.700 KM. Stipendirat će se 42 djece, od toga 23 studenta, devet učenika srednjih i 10 učenika osnovnih škola. Učenicima srednjih i osnovnih škola mjesečni iznos stipendije je 75 KM, a studentima 100 KM.



Nacrt Odluke o usvajanju i provođenju regulacionog plana „Blažuj“

Vijeće je utvrdilo Nacrt Odluke o usvajanju i Nacrt Odluke o provođenju Regulacionog plana „Blažuj“ koji se upućuju na javnu raspravu u trajanju od 30 dana.

Za organizaciju i provođenje javne rasprave zadužuje se Služba za prostorno uređenje u saradnji sa Zavodom za planiranje razvoja Kantona Sarajevo, koja treba Vijeću podnijeti izvještaj o rezultatima javne rasprave, a ujedno i pripremiti prijedlog odluke o usvajanju i provođenju Regulacionog plana „Blažuj“.

Javna rasprava o Nacrtu Regulacionog plana i Nacrtu Odluke o provođenju Regulacionog plana „Blažuj“, održat će se u mjesnim zajednicama Blažuj i Osijek.

Odluka o obavljanju poslovnih djelatnosti na području općine Ilidža

Općinsko vijeće donijelo je Odluku o obavljanju poslovnih djelatnosti na području općine Ilidža kojom se propisuju vrste poslovnih djelatnosti koje se mogu obavljati u određenim ulicama, u poslovnim prostorijama koje se nalaze u sklopu stambeno-poslovnih zgrada kolektivnog stanovanja. U poslovnim prostorijama mogu se obavljati djelatnosti koje ne izazivaju buku, vibracije, štetna isparavanja, ne zagađuju zrak i nisu u suprotnosti sa propisanim normativima i ekološkim standardima. Poslovne djelatnosti mogu se obavljati u poslovnim prostorijama u skladu sa ovom odlukom pod uslovom da nadležni organ svojim aktom utvrdi da su ispunjeni uslovi u pogledu tehničke opremljenosti, zaštite na radu i unapređenja životne sredine, sanitetsko-higijenski uslovi, uslovi o zaštiti od buke, uslovi o kvalitetu zraka, kao i drugi zakonom propisani uslovi u zavisnosti od vrste djelatnosti.

Šaban Hafizović imenovan za člana Komisije za obrazovanje, fizičku kulturu i pitanja mladih

Općinsko vijeće je na svojoj sjednici na prijedlog Općinske organizacije Narodne stranke radom za boljitak Ilidža donijelo Rješenje o imenovanju Šabana Hafizovića za člana Komisije za obrazovanje, kulturu, fizičku kulturu i pitanja mladih umjesto dosadašnjeg člana, Azre Rogo.

Prijedlozi akata o regulisanju imovinsko-pravnih odnosa

Vijeće je usvojilo prijedlog akata o regulisanju imovinsko-pravnih odnosa i to prijedloge rješenja o rješavanju imovinsko-pravnih odnosa u svrhu legalizacije stambenih objekata po zahtjevima Banda Šukrije i Elvira, Tešanović Kose, Kereš Mustafe, Džakmić Fuada, Hrolović Ismeta, Drakovac Emira, Merdan Zahida, Vatrić Hate i Kučević Amre. Usvojeni su i prijedlozi rješenja o rješavanju imovinsko-pravnih odnosa u svrhu legalizacije stambeno-poslovnih objekata po zahtjevima Razdrić Borislava, Memić Sakiba i Atlagić Muhameda, te prijedlog rješenja o rješavanju imovinsko-pravnih odnosa u svrhu legalizacije poslovnog objekta po zahtjevu Mešić Mehmedalije i prijedlog rješenja o rješavanju imovinsko-pravnih odnosa u svrhu legalizacije garažnog objekta po zahtjevu Grizelj Kreše.





Mirsad Hošić istupio iz Stranke za BiH

Mirsad Hošić obavijestio je Vijeće da je istupio iz Stranke za BiH koja je učestvovala na Općinskim izborima 2012. godine i na čijoj listi je bio izabran kao vijećnik u mandatu 2014-2016.godine. Mandat koji je dobio i dalje mu pripada kao izabranom nosiocu mandata, te će se ubuduće izjašnjavati kao samostalni vijećnik Općinskog vijeća Ilidža.

Informacija o stanju i aktivnostima u oblasti rada s mladima

Programom rada Općinskog vijeća Ilidža za 2014. godinu za mjesec decembar planirano je i razmatranje Informacije o stanju i aktivnostima u oblasti rada sa mladima, sporta i kulture na području općine Ilidža.

Budžetom Općine Ilidža za 2014. godinu planirana je posebna budžetska linija namijenjena mladima-Budžet za mlade, stavka koja postoji od 2006. godine, koja u 2014. godini iznosi 80.000,00 KM.

Za školsku 2013/14. godinu dodijeljene su 243 stipendije talentovanim učenicima i studentima, 46 stipendija za djecu bez oba roditelja i roditeljskog staranja koji se nalaze na redovnom školovanju i 87 stipendija za djecu slabijeg imovinskog stanja. U toku 2014. godine realizovane su sljedeće aktivnosti iz Strategije prema mladima Općine Ilidža sa akcionim planom 2014-2016. godine: rad mobilnog tima za podršku reformi obrazovanja u dijelu inkluzivne nastave, primjena metode muzikoterapije u cilju rehabilitacije djece i omladine sa razvojnim poteškoćama.Općina Ilidža je dala finansijsku podršku za nabavku odgovarajućih muzičkih instrumenata i opreme potrebnih za primjenu metode muzikoterapije u cilju rehabilitacije djece i omladine sa razvojnim poteškoćama sa područja općine Ilidža, a koji pohađaju Centar za odgoj, obrazovanje i rehabilitaciju „Vladimir Nazor“ Sarajevo. Tradicionalno je obilježen Dan mladih općine Ilidža 16. avgusta u vidu cjelodnevnog zabavnog programa. Manifestacija je najvećim dijelom organizovana od strane volontera Instituta za razvoj mladih KULT. U cilju poboljšanja stanja u oblastima koje obrađuje ova informacija, predložene su sljedeće mjere: dosljedna provedba odredbi Zakona o mladima FBiH, postavljanje i obnova mobilijara na otvorenim sportskim plohama od značaja za općinu, početak izgradnje sportske dvorane u MZ Sokolović- Kolonija, izgradnja nedostajućih sportskih ploha po mjesnim zajednicama, homogenizacija uprava klubova, stručnog i igračkog kadra, koja bi pozitivno uticala na kvalitet rada na svim nivoima, olakšano pronalaženje privrednih subjekata kao potencijalnih sponzora/donatora i postizanje boljih rezultata, kao izdvajanje većih sredstava za podršku projektima iz oblasti kulture, sporta i mladih.

U školske sekcije uključeno 5 382 učenika

Informacija o uspjehu u učenju i vladanju učenika Osnovnih i srednjih škola na području općine Ilidža u 2013/2014. bila je jedna od tačaka dnevnog reda 23. redovne sjednice Općinskog vijeća. Informacija koja je bila pred vijećnicima rađena je na temelju izvještaja o realizaciji godišnjih programa rada škola za školsku 2013/2014. Na području Ilidže upisano je 5. 677 učenika u deset osnovnih škola i 179 u Osnovnu školu „El-manar“, kao i 364 u Osnovnu muzičku školu. Od tog broja 3.032 su odličnog uspjeha, 1.611 vrlo dobrog, 813 dobrog, 74 dovoljnog i četvero nedovoljnog uspjeha. Neocjenjeno je 13 učenika. Primjereno vladanje ima 6 057 učenika. Vrlo dobro vladanje ima 134, vladanje dobar ima 46 učenika, zadovoljava vladanje 17 i loše 17. U slobodne aktivnosti, odnosno sekcije, klubove i druge oblike uključeno je 5 382 učenika. U školsku 2014/2015. godinu upisano je 5.717 učenika. Osnovna škola „El-Manar“ realizuje nastavu za 193 učenika, a u Osnovna muzička škola za 358 učenika. U Četvrtoj gimnaziji u 2014/2015. upisano je 466 učenika, u Srednjoj tehničkoj školi grafičkih tehnologija, dizajna i multimedija Ilidža 560 učenika.

Informacija o ugroženosti teritorije općine Ilidža od NUS-a i MES-a

Informacija o ugroženosti teritorije općine Ilidža od neeksplozivnih ubojnih sredstava i minsko-eksplozivnih sredstava bila je pred vijećnicima Općinskog vijeća na 23. redovnoj sjednici. Služba civilne zaštite je uradila informaciju u kojoj, između ostalog stoji, da minska polja se nalaze u Hrasnici iznad kamenoloma Krupac, preko brda Smrdelj do sela Jasen, preko Gušča do Vidovca te do Straišta i sela Zoranovići, te oko šumskog dijela pojasa iznad Vrela Bosne i dio Golog brda. U MZ Rakovica minskih polja ima na potezu Oštrik, Zenik, Vela, Kokoška, Batalovo brdo i Plješevac. Od početka deminiranja 1997. godine do 1. 12. 2014. godine deminirano je 4.720.000 kvadratna metra svih kategorija. Izuzetnim zalaganjem i radom rukovodstva BH MAC-a i Regionalnog ureda Sarajevo, izviđača, informatora sa terena i radnika Službe civilne zaštite proglašeno bez rizika je 7.800.000 kvadratnih metara, što je novčano izraženo 19.500.000 KM. Na području općine Ilidža za deminiranje još ostaje 4.880.000 kvadratna metra za koje je potrebno izdvojiti oko 13.000.000 KM, navodi se u Informaciji. Po pitanju deminiranja Općina Ilidža je bila jedna od uspješnijih općina u BiH. Stoga se smatra da će se u narednom periodu nastaviti ovaj kontinuitet.



Načelnik Memić potvrdio priznanje najnačelnik i u 2014. godini

Načelnik Općine Ilidža prof. dr. Senaid Memić 16. decembra u Banjoj Luci izabran je ponovo za najnačelnika za 2014. godinu u BiH. U Banskim dvorima dodijeljena mu je još jedna nagrada na 31. Izboru najmenadžera u organizaciji Direkcije Agencije za izbor najmenadžera BiH, jugoistočne i srednje Evrope. Načelnik Općine Ilidža prof. dr. Senaid Memić priznanje je dobio za konkretne rezultate koje je kao menadžer postigao u praksi kad je riječ o razvoju općine i turizma u ovoj lokalnoj zajednici. Stručni žiri prepoznao je rad i aktivnosti načelnika općine Ilidža i donio odluku da prof. dr. Senaid Memić dobije prestižno priznanje „Najnačelnik 2014“ zbog stvaranja i unapređenja poslovnog ambijenta i uticaja na razvoj turizma.

„Drago mi je što je moja vizija razvoja Općine Ilidža prepoznata i od pojedinaca i različitih institucija. Infrastruktura je preduvjet razvoja privrede. Mi u Općini Ilidža pokušavamo i mislim da uspijevamo da ne budemo kočnica našim privrednicima već da im budemo na usluzi. Turizam će i dalje biti okosnica našeg razvoja, a što podrazumjeva nastavak uređenje infrastrukture i izgradnju novih sadržaja i ko jednom dođe na Ilidžu da nam se ponovo vrati „rekao je, između ostalog, Memić.

Direkcija je jedini globalni i nezavisni autoritet na području jugoistočne i srednje Evrope, prisutna u tridesetak zemalja. Zajedno s načelnikom Memićem, proglašeno je i dvadesetak privrednika. Priznanja, po izboru Direkcije za izbor najmenadžera BiH, jugoistočne i srednje Evrope, dobili su i direktor trgovačkog lanca “Konzum” David Dolinar, direktor “Petrol BH Oil kompani” Uroš Bider i direktor Javnog preduzeća “Šume Republike Srpske” Predrag Laketić. Specijalno priznanje za uspješan podsticaj razvoju biznisa uručeno je direktoru Misije USAID-a u BiH Dejvidu Bartu, zlatna plaketa - najambasador za 2014. godinu uručena je ambasadoru Kine u BiH Dongu Čunfengu, dok je priznanje za najministra dobio ministar energetike, rudarstva i industrije Federacije BiH Erdal Trhulj. Vlasnik i glavni urednik “Fejs TV” Sarajevo Senad Hadžifejzović dobitnik je zlatne plakete za najmenadžera u oblasti



informisanja. Nagradu za životno djelo “Zlatni globus” osvojili su generalni direktor “BH telekoma” Nedžad Rešidbegović i direktor kompanije “Uniks gineks” iz Goražda Jusuf Hubjer. U sklopu svečanosti dodjele priznanja najuspješnijima održana je i Međunarodna poslovna konferencija pod nazivom „Privredni razvoj i suradnja, kuda i kako dalje u 2014“.





Građani kreiraju budžet

Općinsko vijeće Ilidža na sjednici 27. novembra 2014. godine utvrdilo je Nacrt budžeta za 2015. godinu u iznosu od 22.000.000 KM i uputilo ga na javnu raspravu. Građani 16 MZ izjašnjavali su se o Nacrtu i davali svoje prijedloge, mišljenja i sugestije. Načelnik Općine Ilidža prof. dr. Senaid Memić u svih 16 MZ saslušao je prijedloge građana, izrazivši nadu da će uz pomoć građana i njihovih prijedloga, Budžet za 2015. godinu biti kreiran po njihovim realnim potrebama. Povećanje stepena sigurnosti ljudi i imovine u **MZ Lužani**, postavljanje sigurnosnih kamera u ulicama Jahijela Fincija, Ramiza Jašara, Vinka Šamarlića, Hamze Čelenke, Josipa Pančića, Krste Hegedušića i Četvrte viteške brigade, rekonstrukcija ulice Šemsudina Sarajlića, dogradnja ulične rasvjete u ulici Jasike i Jahijela Fincija, izmještanje Roma, samo su neki od potreba građana MZ Lužani. Prioriteti građana **Vreoca** su: rješavanje kanizacionih problema na području ulica Blažujski drum i Lužansko polje, asfaltiranje kraka u ulici Lužansko polje od broja 63 do 88, rekonstrukcija ulica Vreoci, Blažujski drum, izgradnja sportskih ploha u ulicama Blažujski drum i Lužansko polje, otvaranje kombi linije Ilidža-Vreoca -Lužansko polje. Stanovnici **MZ Vrelo Bosne** u Budžet za 2015. godinu zatražili su da se uvrsti izgradnja kružnog toka na raskršću magistralnog puta M-17 Plandište -Vrelo Bosne, nastavak rekonstrukcije ulice Plandište, izgradnja autobuskih nastrešnica na području MZ, izgradnja pješačke staze Ilidža-Vrelo Bosne. Zaključci Savjeta **MZ Hrasnica I** izneseni na javnoj raspravi su: sanacija kanizacione i vodovodne mreže i to u ulicama dr.Halid bega Hrasnice, generala Izeta Nanića, Gaj, Tvrdica. Dogradnja javne rasvjete u ulici Tinjak, Zije Krajine, Gaj, Begluk, Lasičke megare, asfaltiranje ulica i nasipanje makadamskih puteva, izvršiti rekonstrukciju i sanaciju fontane ispred Doma kulture Hrasnica, izgradnja pješačkih staza, što su samo neki od prioriteta stanovnika Hrasnice I. Građani **MZ Stup II** na javnoj raspravi iznijeli su sljedeće potrebe: izgradnju nove osnovne škole, izgradnju korita Dobrinje, asfaltiranje ulica, poboljšanje javne rasvjete u ulicama Lepenička, Nike Kolumbića i Kasindolskoj, zamjena starih azbestnih cjevovodnih mreža u naselju. Građani **Stupskog brda** smatraju da im je u 2015. godini najpotrebnija izgradnja nogometnog igrališta u krugu bivše kasarne Nedžarići, rekonstrukcija ulica, renoviranje Doma kulture, rekonstrukcija spomen obilježja, te dogradnja javne rasvjete u ulicama dr. Silve Rizvanbegović, kraka ulice Džemala Bijedića i Doma penzionera, kao i odvod oborinskih voda sa saobraćajnica. **MZ Sokolović-Kolonija** građani su iznijeli sljedeće potrebe:izrade Regulacionih planova, dogradnja Pete osnovne škole, izgradnja Sportsko-rekreacionog centra zatvorenog tipa, izgradnja parking prostora preko puta centralne džamije, asfaltiranje saobraćajnica, rekonstrukcija kanizacione mreže, sanacija javne rasvjete i to u ulicama Huseina Đoze, Umihane Čuvidine, kod Mosta spasa, Ibrahima-hafiza Riđanovića, izgradnja niša za hajfiše. Stanovnici **MZ Donji Kotorac** u 2015. godini zatražili su da



se u Budžet uvrsti izgradnja i asfaltiranje saobraćajnica i to u ulicama Tuneli, Vasilja Grdžića, izgradnja javne rasvjete u ulici Tuneli na dužini od 600 metara, regulacija vodotoka, čišćenje, izgradnja nastrešnica na autobuskim stajalištima. Prijedlozi građana **MZ Butmir** su: nastavak rekonstrukcije ulice Aerodromska, saobraćajna signalizacija na svim saobraćajnicama, asfaltiranje ulice Mlinske, kraka Butmirske, od broja 251 do 283, dogradnja javne rasvjete u ulici Mlinska, Jasenje, Butmirska cesta, Butmirskog bataljona i Butmirski vrtovi. Zbog učestalih začepljenja kanizacione mreže u ulicama Butmirska cesta i Plavi put zatražena je zamjena kanizacione mreže. Izgradnja saobraćajnica i pješačkih staza u ulici Ibrahima Ljubovića preko puta broja 33, Ibrahima Ljubovića, rekonstrukcija ulica Gazi Hasan Paše, dr. Mustafe Pintola, Midhata Hujdura Hujke, uraditi proširenje parkinga u ulici Bosanskih gazija do brojeva 5, 11, 34, 55, natkrivanje niša u ulici Bosanskih gazija iza 29 i 35, uraditi rasvjetu, odnosno osvijetliti pješačku stazu u ulici Emira Bogunića Čarlija od kafe slatičarne Venecija do stare Željezničke stanice, te u ulici Josipa Slavenkog iza broja 28, te vidjeti mogućnosti izdvajanja finansijskih sredstava iz budžeta za sanaciju ratom oštećenih krovova, samo su neki od zahtjeva građana **MZ Centar** iznesenih na javnoj raspravi. Na javnoj raspravi stanovnici **Hrasnice II** dali su svoje prijedloge : rekonstrukcija saobraćajnica Stojčevac, Braće Toković, Stari Kovači, VečERICA, Čamila Marića, 15. maj, asfaltiranje ulica Igmanskog bataljona, Mejdan, Himze Mekića, Ribnjača, izmjenu i dopunu RP Hrasnice II, izgradnja signalizacije, regulacija vodotoka, projektovanje i izgradnja i dogradnja distributivne gasne mreže, rekonstrukcija vodovodne mreže u ulicama Glavogodina, Stojčevac. U **Osjeku** neki od prioriteta građani su: regulacija korita Bosne i Zujevine, projektovanje i izgradnja kanizacione mreže za ulice Bratunačka cesta, Osječki put, Hendekuša, projektovanje i izgradnja oborinske kanizacione mreže u ulici Drage Filipovića. Građani su predlagali i da Općinsko vijeće donese Odluku o pristupanju izrade izmjene i dopune RP Osjek koja bi obuhvatila ulice Mekote, Čauš, Gornji Osjek, Gaj brdo, Drage Filipovića, Hendekuša, Bratunačka cesta, Osječki put i dio Kamenjače kod Žutog mosta. Stanovnici **Otesa** za 2015. godinu tražili su da se u Budžet 2015. godine uvrsti rekonstrukcija Trga oteškog bataljona, izgradnja izlaza na brzu cestu prema Sarajevu, projektovanje i izgradnja kanizacione mreže u ulici Franje Vuletića, projektovanje zgrade osnovne škole, izgradnju dječijih igrališta, javne česme, dogradnja javne rasvjete. Nastavak izgradnje vodovodne i kanizacione mreže, javne rasvjete, asfaltiranje, te regulacija vodotoka prioriteta su **MZ Rakovica**, a stanovnika **Blažuja**: projektovanje kanizacione mreže u ulici Vlakovo, Gornje Vlakovo, izgradnja saobraćajnica i pješačkih staza, izgradnja kanizacione mrežu u ulici Mitrići, Vlakovo, javna rasvjeta, te regulaciju vodotoka, saobraćajnih znakova. Prioriteti **MZ Stup** su: nastavak izrade RP Azići II i Doglodi, izrada projektne dokumentacije za kanizacionu mrežu i regulacija rijeke Dobrinje.





Uručeno 75 ugovora o dodjeli sredstava za saniranje stambenih jedinica oštećenih u poplavama

U Općini Ilidža 11. decembra potpisano je 75 Ugovora o dodjeli sredstava za saniranje stambenih jedinica oštećenih u poplavama ove godine, koja su dobivena od strane Federalnog fonda za pomoć ugroženim područjima od prirodne nesreće u iznosu od 51.670,17 KM. Da je državljanin BiH, da je u vrijeme prirodne nesreće vlasnik imao imovinu na teritoriju općine Ilidža, da je odlukom nadležne komisije utvrđen nastanak štete na imovini, da je šteta prouzrokovana prirodnom nesrećom, dokaz o korištenju novčane pomoći iz drugih izvora-dobijenih putem općine, osnovni su bili kriteriji za dobijanje novčanih sredstava. „Maksimalan iznos sredstava na ime naknade štete zbog ograničenih finansijskih sredstava je 10.000 KM, za neposjedovanje alternativnog smještaja za stanovanje u uništenom objektu sredstva u iznosu od 5050 KM, a za ostale oštećene objekte pet posto od procijenjene štete umanjene za primljenu sredstava. Svi kojima je procijenjena šteta manja od 1.000 KM ne ispunjavaju uslove dodjele sredstava, a zbog ranije isplaćenih 500 KM po domaćinstvu iz sredstva općine Ilidža. Nakon provedene procedure svako će dobiti procentualno visini štete. Znamo da su ova sredstva nedovoljna, ali ipak se nadamo da će građanima donekle pomoći u saniranju šteta“ rekao je, između ostalog, načelnik Općine Ilidža prof. dr. Senaid Memić. Anel Bučan iz Dogloda zahvalio je na pomoći. „Štete sam imao velike. Garaža i prvi sprat su mi poplavile. Odmah smo dobili 500 KM od općine, a danas evo Ugovor na 250 KM. Hvala svima“ rekao je Anel Bučan.



Asfaltirano šest ulica

Na području općine Ilidža u MZ Stupsko brdo 6. decembra završeno je asfaltiranje ulice 18. septembar. Dužina saobraćajnice je 245 a širina 3, 5 metra. Investitor je Općina Ilidža, a izvođač radova GP „Put“. Vrijednost investicije je 30.000 KM.

Okončano je i asfaltiranje ulice Gorana Čišića u MZ Stup. Dužina ceste je 450, a širina tri metra. Investitor je Općina Ilidža i građani, a vrijednost radova iznosi 30.000 KM. Izvođač je GP „Put“.

Završeno je asfaltiranje ulica Hendekuša, Tuneli, Rakovička cesta i Kasindolska (dva kraka).

Ulica Hendekuša asfaltirana je u dužini od 600 metara i širini tri metra. Posao je bio povjeren firmi GP „Put“ a vrijednost je 45.000 KM.

Novi asfalt dobili su i stanovnici Tuneli u dužini od 370 i širini tri metra. Investiciju je finansirala Općina Ilidža u iznosu 40.000 KM.

Završeno je i asfaltiranje ulice Rakovička cesta u dužini 150 metara i širini tri metra. Vrijednost je 24.000 KM, a izvođač radova je GP „Put“. Općina Ilidža je finansirala, a GP „Put“ izvodio radove i u ulici Kasindolska cesta u dužini 300 metara i vrijednosti 30.000 KM.

Prijem za učenike, autore likovnih radova za kalendar Općine Ilidža

I ove kao i predhodnih godina Općina Ilidža je za štampanje kalendara za 2015. godinu kao likovno rješenje koristila najuspješnije likovne radove sa motivima Ilidže učenika osnovnih i srednjih škola sa područja općine.

Tim povodom, 29. decembra 2014. godine u Općini Ilidža upriličena je prezentacija općinskog kalendar za 2015. godinu i prijem za učenike osnovnih i srednjih škola, autore najljepših likovnih radova, kao i njihove nastavnike likovnog odgoja.

Načelnik Općine Ilidža prof. dr. Senaid Memić čestitao je učenicima čiji radovi se nalaze na kalendaru i njihovim nastavnicima, te im tom prilikom uručio diplome i prigodne novčane nagrade.

„Vi koji ste nagrađeni treba da se ponosite i sad i u budućnosti i svako treba da radi ono što voli. Zapamtite da samo rad donosi vrijednosti i u sve što ste uložili svoj trud jednog dana će vam se pozitivno vratiti. Nadam se da će vas ove skromne nagrade motivisati za dalji rad i trud koji je ovom prilikom prepoznat. Želim vam puno sreće i uspjeha u životu“ kazao je u svom obraćanju učenicima načelnik Memić.

Nagrađeni učenici, autori likovnih radova su: Husić Ilma (Deseta osnovna škola), Hadžimešić Amina (Treća osnovna škola), Bašić Nejra (Prva osnovna škola), Skelić Lejla (Četvrta osnovna škola), Čosić Anesa (Druga osnovna škola), Čolpa Meliha (Deveta osnovna škola), Dizdarević Ruvejda (OŠ El Manar), Filipović Amir (Srednja tehnička škola grafičkih tehnologija, dizajna i multimedije), Drpljanin Meliha (Osma osnovna škola „Amer Čenanović“), Šabaredžović Dženita (Peta osnovna škola), Silajdzija Ajla (Šesta osnovna škola) i Mušanović Saldina (Sedma osnovna škola).



Uručena oprema Gorskoj službi spašavanja u vrijednosti 45.000 KM

U organizaciji Kantonalne uprave civilne zaštite Kantona Sarajevo i Sarajevske razvojne agencije SERDA 20. decembra 2014. uspješno je izvedena Simulaciono-terenska vježba "Zaštita od poplava" na području općine Ilidža, na lokalitetu uz obalu rijeke Željeznice, a u blizini ulica: 12. mart, Bosanskih gazija i Gazi Hasan-paše. Tokom izvođenja vježbe testirani su kapaciteti i spremnost struktura zaštite i spašavanja Kantona Sarajevo i Općine Ilidža, kao i pratećih službi za reagovanje u slučaju poplava. Navedena vježba je organizovana u okviru realizacije projekta: „Zajedničko upravljanje procjenama rizika i pripravnosti dunavskog makroregiona - SEERISK“, u čijoj realizaciji ispred Kantona Sarajevo zajednički učestvuju Kantonalna uprava civilne zaštite Kantona Sarajevo i Sarajevska razvojna agencija SERDA.

Načelnik Općine Ilidža prof. dr. Senaid Memić je na pokaznoj vježbi uručio opremu za zaštitu i spašavanje sa visinina Službi zaštite i spašavanja organizovane u Gorskoj službi spašavanja u vrijednosti 45.000 KM.

Inače, SEERISK je zajednički projekt zemalja istočne Evrope, podržan od SOUTH EAST EUROPE i Delegacije Evropske unije, a tiče se zajedničkog predviđanja i procjene rizika, u preventivnom smislu te praćenja i upravljanja u kriznim situacijama. Učešćem u SEERISK projektu, Kanton Sarajevo se uvrstio na regionalnu mapu predviđanja rizika, a iskustva iz realizacije projekta koristit će se u svrhu preventivnih mjera i radi dopunjavanja podataka relevantnih za izradu zajedničkog upravljanja i pripravnosti cjelokupnog regiona za pravovremeno reagiranje u slučaju prirodnih i drugih nesreća.

Javna tribina o izradi RP Nova Ilidža

U Općini Ilidža 22. decembra 2014. godine održana je javna tribina o izradi RP Nova Ilidža 1,2,3 na kojoj su prisutnima, koncept pripreme za izradu ovog planskog dokumenta objasnili predstavnici Zavoda za planiranje i razvoj Kantona Sarajevo i Općinski načelnik prof. dr. Senaid Memić.

Tribini su prisustvovali građani Ilidže, vjećnici i predstavnici institucija.

Rezidencijalno naselje, stambene zone, poslovni centri, parkovi, šetališta i još mnogo sadržaja futurističkog izgleda, mogli bi u bližoj budućnosti da promijene izgled općine Ilidža. Naime, u zelenoj oazi Sarajeva, na desnoj obali rijeke Željeznice i podno planine Igman, planirana je izgradnja modernog naselja "Nova Ilidža" vrijednog čak 4 milijarde KM. Općina Ilidža je uradila glavni projekat, a naredne godine planira izradu Regulacionog plana za zone "Nova Ilidža 1", "Nova Ilidža 2" i "Nova Ilidža 3".

Kako je kazao, načelnik Općine Ilidža prof. dr. Senaid Memić riječ je o istorijskom projektu, ne samo za Sarajevo, nego za cijelu BiH.



Anketiranje građana Ilidže i Hrasnice

Ministarstvo saobraćaja Kantona Sarajevo anketirat će do 15. januara građane na području Ilidže i Hrasnice. Istraživanje i anketiranje provodit će se zbog pripreme tehničke i studijske dokumentacije za projekat gradnje tramvajske pruge Ilidža-Hrasnica. Iz Ministarstva saobraćaja mole putnike da sarađuju s anketarima kako bi planirane aktivnosti uspješno se okončale. Istraživanje i anketiranje vršit će zaposlenici „IPSA Instituta Sarajevo koji će prilikom izvođenja ovih radnji nositi odgovarajuće akreditacije s imenom i prezimenom.



Proslavljen Dan Osme osnovne škole „Amer Ćenanović“

Osmo osnovna škola „Amer Ćenanović“ proslavila je 22. decembra svoj dan. Učenici ove škole priredili su priredbu za mnogobrojne goste, roditelje i svoje drugare, gdje su pokazali umijeća u pjevanju, plesu, igrokazima i recitacijama. Evocirane su uspomene na Amera Ćenanovića, rano preminulog načelnika Općine, a i nekadašnjeg direktora škole po čijem imenu se i zove.

„Škola postiže dobre rezultate i ja sam ponosan što sam na čelu ovakvog kolektiva, a naš zadatak prvashodno je da pravimo dobre ljude. Ime škole nosi ime po čovjeku koji je svoj život ispunio napretkom i dobrotom, te je posebnu podršku pružao učenicima ove škole i mladosti općine Ilidža. Mi ćemo sigurno nastaviti njegov put“, kazao je direktor Vahid Ćustović.

Dodijeljene su i zahvalnice penzionisanim radnicima koji su svoj životni vijek proveli u ovoj ustanovi.



Planska igra “Mladi donose odluke“

Općina Ilidža i Institut za razvoj mladih KULT u saradnji sa srednjim školama Ilidže realizuju plansku igru “Mladi donose odluke”.

“Općina Ilidža je podržala ovaj projekat kroz Strategiju prema mladima, a igra je organizirana da bi se mladima pomoglo kako prepoznaju kvalitetne programe za mlade koji zaista donose progres, te koja je uloga medija i uopće civilnog društva u izbornom procesu” izjavila je predstavnica Općine Amra Bojičić

“Planska igra “Mladi donose odluke” se sastoji od predavanja te interaktivnog dijela gdje učenici i učenice preuzimaju uloge medija, civilnog društva i političkih stranaka te tako prolaze kroz proces lobiranja, donošenja odluka te direktnog zalaganja za odbranu ličnog stava” rekla je projektna kordinatorica Selma Suljević.

Zimska planska igra “Mladi donose odluke” je i ove godine realizovana u Obrazovno-raznodnom centru za mlade “Spjalica” na Ilidži. Učešće u inicijativi je preuzelo 40 učenica i učenika iz četiri srednje škole sa područja Ilidže, te su tako objedinjene sve srednje škole u jedan projekat.

Crveni križ podijelio ogrijev za socijalno ugrožene

Crveni križ Općine Ilidža izvršio je podjelu ogrijeva za socijalno ugrožene građane koji su pretrpjeli štetu tokom poplava u maju i augustu ove godine. Sredstva za nabavku ogrijeva su obezbjeđena sa donatorskog računa Crvenog križa Federacije BiH.

„Građanima Ilidže koji su pretrpili štetu u ovogodišnjim poplavama, uručena je donacija koju je Ambasada Kraljevine Saudijske Arabije uputila Crvenom križu Federacije BiH.

Setovi paketa (paket hrane, paket higijene, paket kuhinjskih sredstava i posuđa te paket posteljine, brašno 25 kg) uručeni su članovima 36 porodica iz naše općine“kazao nam je Jasmin Nikšić iz Crvenog križa.





Otvorena nova poslovnic Raiffeisen banke na Ilidži

Na adresi dr. Mustafe Pintola bb na Ilidži 2. decembra 2014. svečano je otvorena nova poslovnic Raiffeisen banke. Obraćanjem prisutnim zvanicama, kao i presijecanjem vrpce, poslovnicu su svečano otvorili Karlheinz Dobnigg, direktor Raiffeisen banke i Martin Pammer, ambasador Republike Austrije u BiH.

„Poslovnica na Ilidži druga je otvorena poslovnic ove godine čime je naša mreža proširena na ukupno 94 organizacione jedinice na tržištu BiH. Proširenje naše mreže poslovnica predstavlja još jednu potvrdu naše dugoročne posvećenosti ovom tržištu. Uzimajući u obzir broj stanovnika na području ove općine prepoznali smo potrebu za otvaranjem ove poslovnice s ciljem, da što adekvatnije odgovorimo na zahtjeve tržišta i potrebe naših klijenata“ izjavio je Karlheinz Dobnigg.

„Kao predstavnik Austrije zadovoljstvo mi je prisustvovati otvorenju još jedne poslovnice. Ovo tržište nam je izuzetno važno te stoga nastojimo pozdraviti dobre primjere ulaganja i ohrabriti potencijalne ulagače da investiraju u ovu zemlju“ kazao je Martin Pammer.

Nova poslovnic će usluge klijentima pružati radnim danima od 8-16 sati, a u okviru poslovnice na raspolaganju će biti i infoterminal kao i vanjski bankomat koji će na usluzi biti 24 sata. Raiffeisen banka u BiH upošljava više od 1.500 zaposlenika te pruža usluge za oko 500.000 klijenata. Ceremoniji otvorenja ove poslovnice prisustvovao je i načelnik Općine Ilidža prof. dr. Senaid Memić sa saradnicima.

Hajkuni Uzunović besplatno urađen priključak na gradsku vodovodnu mrežu

Ljudska dobrota i humanost nadvladaju sve nedaće i izazove. Mnogi ljudi nisu svjesni da se malim djelima može mnogo pomoci. Makar se radilo i o samo jednom dobrom djelu. Također, ovaj primjer je dokaz da u našoj zemlji dobrih ljudi ima mnogo i da imamo onu ljudsku osjetljivost koja je samo nama poznata. Teškoće današnje svakodnevnice, neimaštinu i sve ono što je donijelo vrijeme, na svojoj koži osjetila je Hajkuna Uzunović. Živi na adresi Kobiljača 17.

Na početku rata ostala je bez muža, sa dvoje djece. Nije stajala i plakala. Borila se kako je znala i umjela. Odgajala je sinove da budu dobri ljudi. Nije joj uvijek bilo lako. Muška djeca. Komšije su joj pomagale, a ova hrabra žena nije tražila pomoć. Kako je išao priključak na gradsku vodu u Rakovici Hajkuna Uzunović nije imala novca za priključak. Na sastanku kod načelnika, predstavnici Savjeta MZ Rakovica ispričali su za slučaj Hajkune Uzunović.

Održana Peta redovna skupština Prve samostalne brigade

Udruga boraca Prva samostalna brigada Stup-Ilidža 18. decembra godine održalo je svoju Petu redovnu izvještajnu skupštinu pred 120 delegata, veterana ove ratne brigade. Kao gost, skupštini se obratio, načelnik Općine prof. dr. Senaid Memić koji se zahvalio svim borcima na ulozi u odbrani države i istakao da u svakoj uređenoj državi, veterani rata moraju imati posebno mjesto kao jedan od najčvršćih stubova države.

„Jaku državu prepoznamo po odnosu spram ove kategorije, boraca-veterana“ podvukao je Memić.

Pored njega obratili su se general Hajrudin Grabovica i Dževad Topić-Topa koji su evocirali uspomene na ratne godine i odbranu Stupa kao strateškog cilja za odbranu Sarajeva, prijestolnice Bosne i Hercegovine. Nakon radnog dijela skupštine, organizator je obezbjedio prigodno druženje boraca i gostiju, brojnih vijećnika Općine Ilidža te predsjednika boračkih udruženja.



Načelnik Memić je isti dan izdao nalog da se ovoj porodici uradi besplatno priključak na gradsku vodu.

„Hvala načelniku Senaidu Memiću koji je veliki čovjek i humanista. Hvala sekretaru i mojim komšijama koji su rekli istinu na tom sastanku. Neću se predavati moram se i dalje samo boriti Nije lako, ali istrajat ću“ rekla je Hajkuna Uzunović.





Novogodišnja predstava Škole prijateljstva

U Multimedijalnom centru Ilidža 30. decembra održala se novogodišnja predstava u organizaciji i izvedbi Škole prijateljstva. Svi mališani, dječaci i djevojčice, polaznici škole prijateljstva su bili u mogućnosti da uživaju u interaktivnoj novogodišnjoj predstavi te da dobiju zasluženi novogodišnji paketić.

Škola prijateljstva je i ove godine odlučila obradovati svoje polaznike. Predstavu o Djedu Mrazu koji ne zna da pleše osmislili su vrijedni volonteri Spajalice te uz pomoć malih rukica i kreativnog rada polaznika Škole prijateljstva napravili scenografiju i još ljepšu zabavu za sve.

„Ovom prilikom želimo se zahvaliti svim roditeljima djece Škole prijateljstva, ali i drugima koji su došli sa svojom djecom na predstavu, na ukazanom povjerenju i na nesebičnoj podršci našem radu. Također, veliko hvala našim dragim volonterima koji su još jednom pokazali da sve što se radi srcem ima odlične rezultate. Hvala vam svima i Sretna Nova godina.“ rekla nam je Vesna Filipović iz Škole prijateljstva.



Velika aleja

Atraktivno šetalište od banjsko - turističkog naselja Ilidža do Vrela Bosne, zasadeni stablima platana i kestena u dužini od 3,5 km, predstavlja najljepši drvodred u Bosni i Hercegovini. Aleju sačinjavaju 726 stabla javorolisnog platana, sađenih u dva reda 1892. godine, te desetine stabala divljeg kestena, koji su sađeni 1888. godine. Ovaj zeleni “tunel” oduvijek je predstavljao pravu turističku atrakciju i svojevrsan spomenik prirode.

Kompleks hotela zamišljen je 1892. godine. U prostornom planu Banje Ilidža značajnu vrijednost predstavlja pravolinijska cesta koja je spajala lokalnu željezničku stanicu Banja Ilidža s Vrutcima i Vrelom Bosne. Cesta je zamišljena kao šetalište, dugo četiri kilometra sa srednjom kolskom stazom i bočnim pješačkim. Šetalište je duž cijelog pravca zasadeni kesestenovima i platanima i predstavlja značajnu hortikulturnu i ambijentalnu vrijednost Ilidže poznatu kao Velika aleja.

Obradovani i mališani uposlenika općine Ilidža i boračkih udruženja

Općina Ilidža je povodom nastupajućih novogodišnjih praznika, organizovala podjelu paketića djeci uposlenika ove lokalne zajednice i boračkih udruženja.

Uz predstavu “Djeda Mraz čeka vaša pisma” u organizaciji „Toys & Fun“ d.o.o. upriličena je podjela 81 paketića. Podjela je organizovana 28. decembra 2014. godine u Multimedijalnoj sali, a novogodišnji ugođaj za najmlađe uljepšao je Djeda Mraz sa prijateljem Ben Tenom.

Podijeljeni paketići djeci s poteškoćama u razvoju

U Multifunktionalnoj sali Općine Ilidža 24. decembra Udruženje „Osmijeh nade“ upriličilo je podjelu paketića djeci i omladini s teškoćama u razvoju. Ugodnu zabavu organizovali su volonteri UG „Srce puno osmijeha“.

